

38. Ijambo **Amatara yo gusubira inyuma** Bivuga : *Amatara y' ikinyabiziga agenewe* <sup>1</sup> *Kubonesha inzira inyuma y' ikinyabiziga* no <sup>2</sup> *Kumenyesha abandi bagenzi ko ikinyabiziga gisubira inyuma; cyangwa* <sup>3</sup> *Kigiye gusubira inyuma*
39. Ijambo **Itara ndanga cyerekezo** cyangwa ( *Ikinyoteri* ) Bivuga : Itara ry' ikinyabiziga rigenewe kwereka abandi bagenzi ko umuyobozi ashaka kugana iburyo cyangwa Ibumoso.
40. Amagambo **Itara rishakisha n' Itara rihindukizwa** Bivuga: Itara ry' ikinyabiziga gishobora guhindukizwa n' umuyobozi bidatewe n' uko ikinyabiziga kigenda, kandi rishobora kumurika ikintu kiri munzira nyabagendwa cyangwa hirya yayo .
41. Amagambo **"Itara ndangamubyimba" n'itara ndanga burumbarare"** Bivuga: Itara ry' ikinyabiziga ryerekana ubugari bwacyo , ahagana imbere cyangwa inyuma igihe uburebure bwacyo burenga metero 6 cyangwa iyo ubugari bwacyo , habariwemo ibyo cyikoreye burenga metero 2.10.
42. Ijambo **Ubuso bubonesha** Bivuga kubyerekeye amatara: *Ni ubuso busohokana urumuri naho kubyerekeye utugarururumuri Bikavuga: Ubuso burabagiranamo urumuri.*
43. Ijambo **Itara ry'Umuhondo** Bivuga : Itara ryose ry' umuhondo winganje; ry' umuhondo nyawo cyangwa usa n' icunga hakurikijwe ibisobanuro bivugwa ku mugereka wa 7 w' iri teka .

### 1.3.UMUTWE WA III : Abakozi babifitiye ububasha ( Agents qualifies )

*Bitabujije ububasha abagenza - cyaha bahawe n' amategeko y' umwihariko, abashinzwe kubahiriza cyane iri teka ni :*

1. **Abapolisi** bo mu mutwe ushinzwe umutekano wo mu muhanda
  2. **Ba ofisiye** na ba su zofisiye bo muri polisi y' igihugu igihe bari mu kazi,
  3. **Abakozi** ba gasutamo
  4. **Abakozi** bo mubiro by' imisoro
  5. Ba ofisiye bashinzwe polisi y' ingabo igihe bayobora abasirikari bagenda ku mirongo
  6. Abakozi bo mubiro bishinzwe amateme n' imihanda.
  7. Abakozi bo mubiro bya minisiteri ishinzwe gutwara abantu n' ibintu mumirimo yayo babihereye uburenganzira na ministeri y' ubutabera
  8. Ba kaporali n' abapolisi bo muri polisi y' igihugu igihe bari mukazi babitumwe na prokireri wa Repuburika wo muri iyo fasi.
  9. abakozi bo mukigo cy' ubucyererugendo na parike z' igihugu babihereye uburenganzira na Ministiri w'ubutabera
- ✓ Abakozi bavugwa muri iyi ngingo bafite ububasha bwo kugenza ibyaha byica iri teka batarengereye imirimo bashinzwe n' ifasi bakoramo.